

# الرشاد

س ۱ ۱۳۰۰

والله يهدي من يشاء الى صراط مستقيم ديني ، علمي ، ادبي ، سياسي هفته لقی مجموعه اسلاميه در  
اتبعون اهدكم سبيل الرشاد

صاحب و مدير مسئول : ح . اشرف ارباب



بر آردلق آلمانیاك ایکنجی برمداخله سیله فرانسه نك امیدى محو اولمق راده سنه گلش ایسه ده بالا آخره انکلتزه و روسیه نك یاردملریله اتفاق مثلث ارکاندن اولان اوستریا وایتانك متفقلرینه قارشو - مسئله مذکوره حقنده - کوشک طاووراملری سبیلله آلمانیا و فرانسه بیتنده مأمول ایدیلن حرب تهلهکسی مرتفع اولمش ویرینه صلح و مسالمت علامتی جایگیر اولمشدر .

فرانسه ، فاسده کی انکلتزه واسپانیا حقوقی طایمق شرطیله قوجه مملکت اسلامییه بی بالا آخره ضبط و تصرف ایدوب مولای حفیظی کرهأ مقاوله نامه معهوده بی امضایه مجبور ایتشددر .

حظوظات شهوانیه واغراض نفسانییه اسیر اولان مولای حفیظ یالکز کندی حقوقی محافظه ایتدیردکن صکره میلیونلرجه اهل اسلامک حقوقی فرانسه یه بر قلم وامضا چیز کیسیله پیشکش و تقدیم ایتشددر . بوخبر مسرت اثرک فرانسه یه منعکس اولمسی اوزرینه بوتون فرانسزلرک اسباب سرور و شادمانیلرینی موجب اولمشدر . فاسده کی فرانسه سفیری موسیو ( رهنیول ) بوندن صکره فاس امارتنه حقیقی و معنوی امیرو حاکم کیسیله رک بالعموم فاس ناظرلرینه معاون و مستشار نظریله باقه جق و کندی اجرا آتی یالکز سلطانه تصدیق ایتدیرمکه بر درجه یه قدر مجبور اوله جقدر .

فرانسه حکومتی یکی معاهده نامه احکامی مقتضاسنجه هر آن وزمانده فاسک هر هانکی نقطه سنی قوه عسکریه سیله اشغاله مخیر اوله جنی کبی طوغریدن طوغری یه فاس امور داخلیه و خارجیه سنی اداره یه مأمور و مأذون بولنه جقدر . بونجه فدا کارلقلرله ، شهدا قانلری بهاسنه و قتیله ضبط واستیلا اولنان بومملکت مبعجله اسلامییه پک دکر سر و اوجوز برحاله فرانسه یه هبه ایدلدی .

واها علی زمن بالخمی مونی

فقط ذهب الزمن المونی

مولای حفیظ لهو و لعبی ، حظوظات ردیئه سنی اوقدر دوشونماش اولسیدی ، فتنه و فساد اورتله قدن دفع و رفعه تشبث ایتسه یدی ، بوکون کندی نامه تاریخ اسلام صحیفه لرنده فنا بر عنوان ضم و علاوه ایتش بولنمزدی .

ایرانه کلنجه اوده بدبخت صولک شاهی ( محمد علی ) نك اخلاق سزلغنه ، ملا و آخوندلرینک عصیتلرینه ، - سلطنتلر ، درلر ، ملکر لقب بی معنا و واهیسنه مالک بولنان - اعیان و ارکانلرینک غدروخیانتلرینه ، نعمت علم و معرفتدن بی نصیب و بی بهره اولان اهالیسنک جهالتنه قوجه الی بیک سنه لك عنعناته ، مجد و عظمته مالک اولان [ ایران پرطرب ] قربان اولدی کیتدی .

ضحا کلرک ، کاوه لرک ، جمشید و دارالرک ، اسکندر و اردشیرلرک ، رستم و نوشیروانلرک ، مهد ظهور و جولانکاهی اولان بو ( خاور زمین ) دخی پک اوجوز و باد هوا اوله رق روسیه نصیب اولدی کجی . ایران تاریخنی عمیق و جدی بر صورتده تدقیق و تتبع ایده جک

مرشدین اسلامک کوردکلری حسن قبول ، نائل اولدقلری موفقیت بوتون اعتراضلرک جواب جلیل و مسکتی اولغه یالکزجه کفایت ایتزمی ؟ لکن حیفاکه : افریقاده سنوسی اخواننک بیک مشکلات سیاسیة آوروپاییه معروض مساعیسی ، حرکات مفرطانه نتیجه سنده انکلیز میترالیوزلرینک بی امان دانه لری اوکنده بیکلرجه اخوان اسلامی نعمت شهادته قاوشمش براقوب ازیلن مهدی سودانی نك پک قیصه سورن شدیدانه غیرتلی استثنا ایدیلیرسه بر چوق سنه لروحتی - سرلردن بری عرب دیکر ملتله منسوب اخوان دینلریله عالمشمول دینیه جک صورتده توسیع ایتدیکی حرکت و تشبثات ارشادکارانه بر خط توقفه قالمش ، حتی ماهیت توسعی دن صرف نظر قدرت تدافعی و تحفظی دن اظهار عجز ایتمکه باشلامشدر . ونجه فلاکتلر کلوب کچمش ، عبرت آلق دکل ، حتی خبرمن اولمامشدر !

بز تکرار ایدیورز ، عجز کلیمزه باقادن بوتون معنویتیزی لرزه دار حشیت ایدن محافه الله ، بوتون دوشونجه لرزه غالب « عموم اخوان دینزک سعادت دارینی » اندیشه سی ایله شو سطرلری یازدق . عالم علمیه ، زنکین ثروتیه ، عوام ممکن اولان فدا کارلغیه اوزرمرزه یوکلنمش اولان مسئولیت مهمه بی آتمغه چالیشه جق وقت کلش کچور . بز باشلایلم ، توفیق الله بندر . وسرعتنه باشلامق ایچین دوشونمکه که : بوکون اون بیکلرجه بعید مجهول آطه لرده ، حتی شوراجقده شامیه چولنده آکا کلام حق تکرار ایده جک بر نسخه قرآن عظیم الشان دن بیکده بری بیله محروم میلیونلرجه اخوان دینمز وازا کوزتیه

علی رضا سیفی

## سیاستی

فرانسه - فاس ، روسیه - ایران

بوسنه عموم حکومت اسلامییه ایچون پک فنا و فلاکتلی بر تاریخ تلقی اولنه بیلیر . و قتیله ( الجزیره ) قونفرانسی مقرراتی نتیجه سی اوله رق ( فاس ) ک تقسیمی تقرر ایتدیکی حالده آلمان ایمپراطورینک بر مداخله نا کهانسی اوزرینه عقیم براقیلان وقوه دن فعله چیقارلیان فاس مسئله سی اک صکره فرانسه نك زیر تحکم و تهکمه کیرمش بولندی . مقاتلات و مجادلات داخلیه ایله ، فاس اهالی اسلامییه سنک جهالت و تعصب عامیانه لرله ادرلرنده - دشمن انتریقهلرله - تگون ایدن نفاق و شقاق یوزندن رشته اخوت و اتحاد قویمش و دشمنک واسع وکنیش آمال و آرزولر ایچون یکی بر میدان آچیلمسی اوزرینه فرانسه درحال مداخله یه قرار ویره رک ، همان عسکر سوقته مبادرتله قبائل عاصیه بی تأدیب و تشکیل ایله ( مولای حفیظ ) ی کنیدیسنه جلب و جذب ایتش و کیت کیده قدرتی ، نفوذنی طانتدیرمغه موفق اولمشدر .



صکرة مشهده کی امام ثامن ( علی بن موسی الرضا ) حضرتینک مرقد شریف و ضریح مبارک کنی ده طوب کولله سیله خاکه یکسان ایشدر . سالارالدوله ایسه ایران غربی جهنده اعلان استقلالیت ایتکله مشغول بولمغله برابر متصل تخریب و احراقه ، قتل و اعدامه تشمیر بازوی خبثت و ملغنت ایتکله بنام اولمشدر .

بوسبوتون ایران شمالی یی یوته بیلیمک ایچون روسیه حکومتی شو صوک کونلرده عثمانیلری ایراندن چیقارمق ایچون اقدامات جدیه ایله اشتغال ایدوب عسکرینی قفقاسیه حدودینه تحشید ایتمشدر .

روسیه و انکلتزه متفقاً ایران حکومتنه کندی منطقه نفوذلری تصدیق ایتدیره بیلیمک ایچون سونکی اوجیهه ایرانیه ایکی یوزبیک لیرا اقراضاتده بولنوب ایرانک بوتون کمرکلری ، مابه الحیاتی تأمینات مقامنده اللرینه آلدیلر . عین زمانده ایرانک همان هر طرفده روسیه و انکلتزه حکومتلری طرفدن قوای عسکریه بولندیریلوب ، احکام عرفیه یی کندی مأمورین عسکریهلری واسطه سیله اعلان ایتدکری حالده بر طرفدن نزع سلاح و دفع اشرا ایله ، دیگر طرفدن اهلیدن ویرکو تحصیلله اوغراشمقده درلر . بو اوضاع متجاوزانه لری حقلی کورمهک آلیشان بوخودکام و خودسر حکومتلر یالکز عثمانلی حکومتی چکه من اولدیلر . ایتالیا نلرک شقاوتندن استفاده ایتکی فرصت عدایدن روسیه ظن ایدیورکه حکومت عثمانیه قولای قولای ایران حدودینی بوشالتوب طولایسیله - عثمانیلرک مذار تسلیسی اولان - قوجه اناطولی یی روس استیلاسی تهلکه منه معروض براقه جقدر . عثمانیلر ایچون برحیات و ممت مسئله سی مشابه سنده بولنان بو مسئله او قدر مهم و شایان تأملدرکه ، بو خصوصده اوفاجق بر خطا ، اک عادی بره فوه مصائب و مضرات عظیمه و وخیمه یی موجب اوله جقدر . هم او یله بر اغیر خطادرکه مسئولیتی آلتنه هیچ بر کیمسه کیرمیه جکدر . ( ایران غربی ) نک روسیه منطقه سیله برلشمسی ، آتیا حکومت عثمانیه یی سنوی لا اقل یارم میلیون فضله عسکر بسلمنه مجبور ایدر .

شونی ده اونو تاملی یزکه ایرانیه قارشو حکومت عثمانیه نک وضعیتی دائماً اولدینی کبی شیمیدی ده آچیق و صریحدر . ایرانده هیچ بر منفعت تعقیب ایدلیور . عثمانیلرک اقصای امل و آرزولری ایران استقلالنک دوام و بقا سیله هر تهلکه دن مصون و محفوظ بولمنسندن بشقه بر شیه معطوف دکدر . روسیه و انکلتزه ایرانده کی اوضاع حاضره لری نه خاتمه و نهایت و یروب ایرانی کندی حاله براق دقلری دقیقه ده ، حکومت عثمانیه نک ده عین حرکنده بولنه جنی طبعیدر . یوقسه حکومت عثمانیه یه « سن ایراندن عسکرینی کری آلده بن ابدیا یرلشه یم » دیرسه پک یا کیلمش اولور .

آن سبو بشکست و آن پیمانه ریخت .

بمحمداه ، خصوصیه بوکونکی ایرانیلرده هر شیتی بیلوب پک آجی تجربه لر کچیرمک سایه سنده حقیقی دوست و دشمنلری ایدن ای یه فرق وتمیز ایشلردر .

اولورساق ( قاجاریه ) عائله سی قدر بو محترم مملکت ، طور اغه فالق و خیانت ایدن کیمسه کمدیکی وهله اولی ده تعقل و ادراک ایدرز . مملکتک ثروتی خزفاره لره و یروب کلاهی ، البسه سی ، اونیفورمه سی ترینه صرف نقد و وقت ایدن ناصرالدین شاه ، الی سنه ک دغدغه سز سلطنتی اثناسنده بومملکتی رشک باغ رضوان و محسود جنان ایلیه من میدی ؟ درت دفعه اورویایه ایتدیکی سیاحت سفیهانه سی نتیجه سی اوله رقی ایرانیه نه ارمغان کتیره بیلدی ؟ انکلتزه و روسیه نک ایرانده هیچ برامل و غایه لری بولمیدینی صیره لرده نهلر ، نهلر یاپیلمازدی . حدیث نبوی ماصدق بولنان و علم و هنری کو کدن ایندیرمهک ذکار یله قدرتیاب اولان ایرانیلری تنویره چالیشمدقدن ماعدا ( ناصرالدین ) ملتی ایچون برابتدائی مکتبی بیله کشاد ایتدی . ( مظفرالدین ) ضعف قوا و اخلاق بلیه سیله ایرانی روسیه نک بورجی آلتنه صوقه رقی آلدینی پاره لره هوای نفسانیسی اوقشادی .

لاعن ادراک ، ریمه من غیر ارام قیلندن اوله رقی مشروطیتی استحصال ایدن ایرانیلردخی جهالت و اغراض شخصیه لری تعقیب ایتک بلیه سی نتیجه سنده مملکتی هرج و مرج و یروب ، آل قانلره بویاندیلر . روس تربیه کرده سی و - لکه تخت کیان - اطلاقه سزاوار اولان ( محمد علی ) فطرت خیه سنی میدانه قویوب مملکت ایچنده روسلره بر منطقه و حق چیغری تأمین ایتدکن صکرة اوده سایه دفع اولوب کتیدی . چوق کچمه دن یه آلت شر اوله رقی کندی بر طرفدن وقارده شلری بولنان ( شعاع السلطنه ) ایله ( سالارالدوله ) لر دیگر طرفدن مملکتک باشنه برکابوس بلا کسیره ک ایکنجی دفعه اوله رقی روسیه و انکلتزه نک منفعتلری ترویجه حصر اوقات ایدیلر . بولردن قطع نظر ، مملکتده کی اشرار و دره بکلر هر بری بر آمر مطلق کسلوب زوالی مظلوم و بیچاره ملتی خراج کسه رک جان و ماللریله ، عرض و ناموسلری نه دست تطاولی اوزاتقی صورتیه روسیه نک مداخلات واقعه سی ترویج ایدیلر .

اک صکرة روسیه حکومتی اولان ( کیلان ) و ( مازندران ) ی و صکرة آذربایجانله بالعموم ایران ولایاتی ید ضبطه کچروب - فعال لما یزید - مملکتک منور الفکر ، دکرلی ، تجربه دیده و خیر خواه اولادینی برر برر دار آغاچه آصدیروب اولرینی ، بارقلری یغسا و احراق ایلدی . مکتبلری ، جامعلری قازاقلریله حیوانلری نه مسکن و اصطبل اتخا ایدوب ، کندی طرفداراتی ، ملتزم لری و الیلکله نصب و تعیین ایتدی . هندستانک ( کلکته ) شهرنده انتشار ایدن فارسی العبارة ( جل المتین ) غزته سنک بوهفته ایچنده آلمان صوک نسخه سنده کی مقاله یه باقیلرسه ، ایرانک پارس سفیری ممتاز السلطنه صمدخانک دلالته ( سردار اسعد ) ک - بختیاری قبیله سی رئیسدر - موسیو سازانوفه تقدیم ایدلسیله ایرانده کی روسیه آمالک تأمیننه سوز و یرلمسی عقبنده سردار مرقوم ایرانیه عودت ایدوب سوزینی اکمال ایله روسیه نک فکری ترویج ایشدر . بوقدرله اکتفا ایتین روسیه حکومتی اک



روسيه دوستمز اي بيلمليدركه، بوكي اسكي حسابلري، طولابلري  
چويروب قاريشديرمه نك صوكي كنديسي ايچون اي اوله مز. احتمالكه  
هنوز زمانده گامشدر.

برو اين دام بر مرغ دكر نه  
كه عنقا را بلندست آشيانه

س. م. ت

## مَكَانِيبُ

توكيودن :

### ژاپون ياده دين مسئله سي

ژاپونلرك اديان ايله آليش ويري شي اولديغي، ژاپونيا حكومتك  
هيچ بر ديني تقدير ويا رد ايتديكني، يعني ژاپون ياده حریت اديانه  
تماميله رعايت اولونديغي بو كونه قدر هر كس سويله دي، محررلر يمز  
يازدی، بو خصوصده آوروپا مطبوعات ييله خيلي تدقيقاتده بولونديلر.  
ماهر ژاپونلر بو مسئله دهده بتون عالمي اقناعه موفق اولمشلردی.  
شمدي ايسه داخليه نظارتي مستشارينك تحت رياستده بر دين  
قونغيره سي آچديلر.

بونك اسبابي شمدیده مطبوعات عالم دورلو دورلو تنقيد ايدیور،  
کیمی داخليه مستشارينك فكر شخصي سي در ديورلر، کیمی ده يکی  
قابينه نك نصرانيت طرفداري اولديغندن بحث ايدیور. آمريکا  
مطبوعات ده بونك آوروپا مدنيتك تأثيرندن حاصل اولديغي ادعا ايدیور.  
هيچ خاطر لر ينه کتير ميورلر كه آوروپا ده علوم وفنون عاليه تحصيل  
ايدنلرک هيچ بري نصرانيتها ايمان ايتزلر.

ژاپون مطبوعات ايسه بو مسئله يي پك وقتسز بوليورلر و ژاپون  
سياستك مقدمه انهماني بو مسئله ده کوريورلر.

روس مطبوعاتندن بر قاچ غزته ده ژاپون ياده بوندن صوكره  
نصرانيتك پك بيوك ترقياته مظهر اولاجغندن بحث ايدیورلر.  
يا عالم اسلام نه ياپيور؟

..... سكوت ايدیور. ذاتاً عالم اسلام بر معتاد اكثريته  
مسئله لر حل اولوندقدن صوكره اويانيور.

\*\*\*

بو مسئله غايت مهم اولديغندن ژاپون معتبران سياسيونندن - بوراده  
اسمنك ذكري زائد بولديغ بر ذات ايله ملاقاتي وظيفه مدن عد ايدهرک  
خانه سنه کيتم: قبول ايمه لر يي رجا ايتدم. مع الممنونيه ديديلر.  
بن - ژاپون ياده نصرانيتك اديان رسميه دن عد ايديله جكنه و دين  
مذكوري تعليم ايچون حكومت كندی جينندن بر مبلغ تعيين  
ايده جكنه دائر بر شايعه دوران ايدیور، بو خبرك اصلي وارميدر؛  
ژاپونيا حكومتي حقيقتاً خريستيان ديني اديان رسميه ميانه ادخال  
ايتك فکرنده ميدر؟ ديدم.

سياسي - بو مسئله غايت اوزون واسكي بر مسئله در. بزامينز كه  
هر ملت كندی مليتي قوی و صاغلام اوله رق محافظه ايدم بيلمك ايچون بر دينه  
محتاجدر و او دينه حقيقه اعتقاد ايتلي در. بوكون مملكت مزده بوديزم  
و شينتوييزم مذهب لري موجوددر. بو ايكي دينك برنجيسي بزه چين  
وقوره طريقيه هندستاندن بوندن بيك اوچيوز سنه مقدم كلسدر.  
شينتوييزم ايسه ژاپونلرك اصل دينلريد. وطنمرك كوندن كونه ترقی  
وتعالي سي سايه سنده بو دينلر كيت كیده اعتباردن ساقط اولمقده  
و مملكت اهالي سنك معنوی قوتی ضعه دوچار اولمقده در. بونك  
نهایتی طبعی معنوی انقراض در! حالبوكه بو انقراضه بز هيچ  
بروجهله راضي اولاميه جغز. چونكه آنك نتيجه سي ايچون فرانسه  
بزه مثالدر. بز وطنمزي روحاً دائماً قوی بولونديرمق آرزو ايدرز.  
ايشته شو اساسه مبني شمدیکی داخليه نظري معاوفی جنابلري  
بو مسئله يي اورته يه وضع ايتديلر. مقصدلري مملكتده اعتقادات  
كامله يه صاحب طلبه لر تربيه ايتمكدر و بو وجهله اردومزي ملت مزي  
وطنه ربط ايتمكدر.

بو قونغيره يي كشاد ايتمكدن مقصدلري خريستيانلني تقدير ويا قبول  
مقصديله اوليوب مملكتمز اهالي سي بيننده جاري اديانك علماسي ايله  
مذاكره ايدوب وطن اهالي سنه اعتقاداتي تعليم ايچون صاغلام اصوللر  
آرامقدر. بوكون سزه پك واضح معلوم دركه هيچ بر ژاپون قولايقله  
بر ديني قبول ايتديكي كي قبول ايتديكي دينك ده اك صادق امتدن  
اولمقده در. لکن بونك كله جك كنج طبقه لرده ده عين حالده دوامی  
ايچون طبعی چاره لر دوشونللي در.

ثانياً: خريستيانلغك حايه سي ايچون حكومت معاونتده بولنه جقمي،  
ديورسكز. بو مسئله ده پك بسيطدر. شمدی ژاپون ياده آلتش الي  
يتمش بيك تنصر ايتش ژاپون موجوددر. خصوصاً بونلر مياننده  
فقرا چوقدر. طبعی، بونلرك اولادينه ده بر دين تعليم ايتك لازمدر؛  
اكر حكومت سائر ژاپونلره تعليم اولنان بوديزم ويا شينتوييزم مذهبني  
بونلرك اولادينه ده تعليم ايدم جك اولورسه آراده سؤ نيت مسئله سي  
چيحه جقدر. بونك ايچون حكومت خريستيان طلبه يه ده خريستيانلني  
تعليم ايچون برر معلم بولنديره جقدر. مقصد يالكز مملكتي اختلافدن  
وقايه در. اكر ژاپونيا مکتبلرنده اسلام چوققري اولسه ایدی آنلره  
اسلاميتي تعليم ايچون معلم تعيين، قونغيره يي آنلري ده دعوت  
ايدهرک اصول تعليم لري حقنده مذاكره ايدردك.

ثالثاً: ژاپونيا امپراطوري حضرتلري شينتو مذهبده اولدقلري  
كي اكثر اهالي بودی اولديغي حالده ژاپونيا حكومتي نه بوديزمي ونه ده  
شينتوييزمي رسمي دين اوله رق طانيماز وهكذا خريستيان مذهبندن  
هيچ بري نه رسمي دين اوله رق طانيمايه جقدر. بر مکتبه ده بر دينك  
حكومت مصرفدن اوقوتله سي او دينك اوراده رسمي دين اولديغي  
افهام ايتز. بوكون روسيه حكومتي ياخود فرانسه حكومتي تحت  
اداره سنده اولان مکتبلرندن بر قاچنده دين اسلام معلمينه معاش